

17-March-2026

आकाशवाणी

खबरां जगमोहन शर्मा कोला

खास-खास खबरां:-

1. अफगानिस्तान दी राजधानी काबुल च जंदी रातीं इक अस्पताल पर कीते गेदे पाकिस्तानी ब्हाई हमले च घट्टो-घट्ट 400 लोकें दी मौत होई गई ऐ ते ढाई सौ शा मते घालऽ होए देन।
2. विदेशमंत्री डाक्टर एस. जयशंकर होर ब्रुसेल्स च यूरोपी संघ दे विदेश मंत्रियें कन्नै मलाटी कीती।
3. ईरान च भारतीय दूतावास नै उत्थे रवा'करदे भारतीयें गी आखेआ ऐ जे दूतावास दे सम्पर्क जां तालमेल दे बगैर ओ- ईरान दा कोई बन्ना पार नैई करन।
4. भारत दा एल.पी.जी. Carrier समुन्द्री जहाज शिवालिक कतर थमां 46 जहार टन एल.पी.जी लेइयै गुजरात दे मुंद्रा बंदरगाह पुज्जी गया ऐ- लगभग इन्नी गै एल.पी.जी गैस लेइयै इक होर जहाज अज्ज भारत पुज्जारदा ऐ।
5. महाराष्ट्र विधान सभा नै धर्म दी अजादी सरबंधी बिल 2026 आम सैहकमती कन्नै पास करी दिता ऐ।
6. बेंडमिंटन च भारत दे किदाम्बी श्रीनाथ - आयुष शेट्टी ते तनवी शर्मा पेरिस च आयोजित Orlean Maters Super 300 टूर्नामनेंट च अज्ज चनोती देगंन।

<><><><><><>

Pak -Afgan Clash

अफगानिस्तान दी राजधानी काबुल च कल रातीं लै इक अस्पताल पर होए दे पाकिस्तानी ब्हाई हमलें च घट्ट कोला घट्ट 400 लोक मारे गे ते तकरीबन 250 घालऽ होई गे। तालिबान सरकार द प्रवक्ता ज़बिहुल्लाह मुजाहिद होरें आखेआ ऐ जे पाकिस्तानी ब्हाई हमलें च अस्पताल दा इक बड़डा हिस्सा तबाह होई गेआ ऐ ते घायलें दी गिनतरी बद्धी सकदी ऐ। उ'नें आखेआ जे पाकिस्तानी फौजी शासन नै इक बारी फही अफगानिस्तान दे ब्हाई क्षेत्र दा उल्लंघन कीता ते काबुल च इक नशा मुक्त अस्पताल गी निशाना बनाया- जेहदे चलदे अस्पताल च इलाज करा'रदे नशा पीड़ितें दी मौत होई गई ते नेकां घालऽ होई गे। एह हमला अफगान अधिकारियें आसेया दवें पक्खें दे बशकार सांझा बन्ने पर गोलीबारी दी सूचना देने दे किश घंटे मगरा होआ।



Jaishankar -EU Meet

विदेश मंत्री डाक्टर एस. जयशंकर होरं ब्रुसेल्स च यूरोपी संघ दे विदेश मंत्रिये कन्ने मलाटी कीती। उंने ईरान ते यूक्रेन दे संघर्ष गी लेइयै चर्चा कीती ते यूरोपी मुल्खे कन्ने भारत दे सरबंधं गी होर निग्गर बनाने बारे गल्लबात बी कीती। डाक्टर जयशंकर यूरोपी संघ दे विदेशी मामले सरबंधि परिषद दी इक बैठका च हिस्सा लैने लई- यूरोपी संघ दे विदेश ते सुरक्षा नीति दे प्रमुख कजाकल्लास हुंदे साददे पर बेल्जियम दी राजधानी दे दंडु दिनें दे दौरै पर न। विदेशमंत्री होरें यूरोपी आयोग दी अध्यक्ष उर्सुला फॉन डेर लॉयन ते जर्मनी ग्रीस ते बेल्जियम दे विदेश मंत्रिये कन्ने बक्खरे-बक्खरें बैठकां बी कीतियां।



Iran Embassy Advisor

ईरान च भारतीय दूतावास नै उत्थै रवा करदे सब्भने भारतीय नागरिके गी आखेआ ऐ जे तहरान स्थित भारती दूतावास दे सम्पर्क जां तालमेल दे बगैर ईरान दे कुसै बी बन्ने कोला पार कुदरै होर जाने दी कोशश नैई करन। इस बारे जारी सलाह च आखेआ गेआ ऐ जे जेहड़े बी भारतीय अपनी सतह पर विजन सनाए कुसै एजेंट दी मदद कन्ने इयां करने दी कोश्ट करदे न- तां उनें गी खतरे ते कनूनी पचडें दा सामना करना पेई सकदा ऐ- इस करियै ओ अपने-आपें गी कुसै खतरे च नैई पान।



Indian Embassy Doha

दोहा च भारतीय दूतावास नै जानकारी दिती ऐ जे कल कतर एअरवेज़ दे जहाजें राएं कोई इक जहार 100 भारतीय यात्री उत्थुआं नमीं दिल्ली- मुम्बई कोच्ची ते होरनें भारतीय शैहरें लेई रवाना होए न। दूतावास नै सलाह जारी कीती ऐ जे इनें शैहरें लेई अज्ज बी जहाजें जाना ऐ ते 18 मार्च थमां एह ब्हाई सेवा कम्पनी यानि कतर एअरवेज़ अहमदाबाद- अमृतसर- बंगलुरु- चेन्नेई- दिल्ली- हैदराबाद- कोच्ची- कोजीकोडे ते मुम्बई लेई बी डोआरियां भरोग। ताजा जानकारी जां फ्लाईट बुक कराने लेई यात्री कतर एअरवेज़ दी वेबसाईट जां ऐप पर जां कुसै ट्रैवल एजेंट कन्ने सम्पर्क करी सकदे न।



LPG Vessel Reached

भारत दा एल.पी.जी ढौने आहला समुन्द्री जहाज शिवालिक कतर थमां 40 ज्हार टन एल.पी.जी गैस लेइयै कल संजा गुजरात दे मुंद्रा बंदरगाह पुज्जा। कल गै नमीं दिल्ली च अंतर मंत्रालयी प्रैस कांफ्रेंस च पच्छम एशिया दे ताजा हालात बारे जानकारी दिंदे होई बंदरगाहें ते जहाजरानी सरबन्धि मंत्रालय च विशेष सचिव राजेश कुमार सिन्हा होरें जानकारी दिती ही जे एल.पी.जी गैस लेइयै अवारदा इक होर जहाज मंगलवारें भारत पुज्जी जाहग- जिसलै जे संयुक्त अरब अमीरात थमां चले दा भारती झंडे आहले इक होर जहाज जंग लाडकी बी भारत आहली बक्खी अगड़े बधै करदा ऐ।

<><><><><><>

R.S. Poll Results

बी.जे.पी. दे संजय भाटिया ते कांग्रेस पार्टी दे करमवीर सिंह बौद्ध हरियाणा च राज्यसभा दियें दंडू सीटें लेई चुने गेदे घोषत कीते गेन। इनें दंडू सीटें लेई चुनां कल आयोजित कीते गे हे। ओडिशा च बी.जे.पी. दे त्रै मेदवार जिते गेन- जिसलै की बीजू जनता दल गी इक सीट हासल होई ऐ- जिसलै जे बिहार थमां बी.जे.पी. दी अगुआई आले एन.डी.ए नै सब्भै 5 सीटां जितियां न।

<><><><><><>

Nomination Papers

विधान सभा चुनावं लेई अधिसूचना जारी होने दे बाद असम- केरलम- ते पुदुचेरी च नामांकन पत्र भरने दा कम्म शुरु होई गेआ ऐ। तमिलनाडू ते पच्छम बंगाल दे सनें इनें राज्यें च विधानसभा चुनावं दे कार्यक्रम दी घोशणा ऐतवारें कीती गई ही। असम केरलम ते पुदुचेरी च 9 अप्रैल गी मतदान होगा। चंडू राज्यें ते केन्द्र शासत प्रदेश च वोटें दी गिनतरी 4 मई गी होग।

<><><><><><>

Freedom of Religion

महाराष्ट्र विधानसभा नै धर्म दी अजादी विधेयक-2026 गी मूह जवानी वोटें कन्ने पास करी दिता ऐ। एहदे च जबरदस्ती धर्म परिवर्तन- धोखाधड़ी जां लालच देइयै जां फही ब्हाय करने दा लारा लाइयै कीते जाने आहले धर्म परिवर्तन गी रोकने दी तगड़ी बवस्था रखी गेदी ऐ। इस विधेयक मुजब ब्याह करने दे बहाने धर्म परिवर्तन कराने च शामिल लोकें गी 7 बरे दी जेल ते इक लक्ख रपे तगर दा जुर्माना होई सकदा ऐ। इस्सै चाली नाबालग- मानसिक तौरा पर कसरी- महिला जां SC-ST वर्ग दे

लोकें दा धर्म परिवर्तन कराने आहलें गी 7 साल दी कैद ते 5 लक्ख रुपें जर्माना ते इस चाली दे अपराध बार-बार करने आहलें गी 10 साल दी कैद ते 5 लक्ख रुपे जर्माना होई सकदा ऐ।

<><><><><><>

WB Election Surveillance

पच्छिम बंगाल च चुनां गी लेइयें मुख्ख चुनां आयोग नै बिशेश इंतजाम कीते न। प्रोद्योगिकी आधारित निगरानी दे जरिए सख्त तक्क रखी जाहग। आयोग दे सूत्रें मूजब 100 फीसद मतदान केन्द्रें पर वेबकास्टिंग अत लाजमी कीती जाहग। अगर कुसै बी बूथ पर वेबकास्टिंग नैई कीती जंदी- तां दोबारा मतदान पर बिचार कीता जाहग। राज्य दे चुनां इतिहास च पैहली बारी निगरानी ते अवलोकन आस्तै ड्रोन दा उपयोग कीता जाहग। आयोग दे सूत्रें मुजब 55 विधानसभा हलकें गी पैहलें गै संवेदनशील घोषित कीता जाई चुके दा ऐ। समूलची चुनां आहली स्थिति दी निगरानी आस्तै- मुख्ख चुनां आयोग दे दफ्तर च इक राज्य स्तरीय नियंत्रण केन्द्र स्थापित कीता गेआ ऐ।

<><><><><><>

Parliament Session

लोकसभा च अज्ज रेल मंत्रालय दे नियंत्रण च 2026-27 बरे लेई ग्रांट मंगें पर चर्चा जारी रौहग। कल चर्चा दी शुरुआत करदे होई कांग्रेस दे तारिक अनवर होरें दोष लाया हा जे सरकार अपने लक्षें गी हासल करने च नाकाम रेही ऐ। उ'नें आखेआ जे अमृत भारत स्टेशन योजना तैहत इक जहार 337 स्टेशनें चा छड़ा 160 स्टेशनें दे नमें सिरेया विकास निर्माण दा कम्म मुकम्मल होआ ऐ ते रेलयात्रियें दी सुरक्षा दे नां पर छड़े ऐलान गै कीते जा'रदे न। तौंआई बी.जे.पी. दे गणेश सिंह होरें आखेआ जे पिच्छले 10एं बरें च रेलवे च महत्वपूर्ण बदलाव कीते गे न- केंई नमियें तकनीकें गी अपनाया गया ऐ ते रेलवे नैटवर्क दा बड़ा मता विस्तार कीता गेआ ऐ। उ'नें दस्सेया जे 2013-14 च रेलवे दा बजट छड़ा 63 जहार करोड़ रुपे हा ते हुन एह बधिये 2 लक्ख 78 जहार करोड़ होई गेदा ऐ। तौंआई राज्यसभा च अज्ज केन्द्री खजाना मंत्री निर्मला सीतारमण होर बजट राएं संसद दी मंजूरी थहोने दे बाद खर्चें लेई पैहा कड्डाहने दा कनूनी अधिकार देने सरबंधि एप्रोप्रिएशन बिल गी सदन च पेश करी सकदियां न।

<><><><><><>

Badminton

बैडमिंटन च भारत दे किदांबी श्रीकांत- आयुष शेटी ते तनवी शर्मा अज्ज फ्रांस दे पैलेस देस स्पोर्टस च शुरु होआरदे Orlean Maters Super 300 टूर्नामैन्ट च भारत दी चुनौती पेश करगंन। थारुन मन्नेपल्ली ते दुनिया दे 42 नम्बर दे खडारी किरण जार्ज बी भारतीय दे मर्दे दे सिंगलस टीम दा हिस्सा न।

<><><><><><>

Commission Rates

सरकारे आइतिये ते सहकारिता समीतिये गी दिती जाने आहली कमीशन जां आइत दियां दरां नमें सिरेया तैह कीतियां न- जेहड़े सरकार दी बिनाह पर मुंजी जां कनकू दी खुशखरीद करदे न। एह नमियां दरां 2026-27 बरे दी हाड़ी फसलें दी खुशखरीद दे समे कोला लेइये लागू होगंन।

<><><><><><>

Read by : **Jagmohan Sharma**
Stand by : **Kunal Shrivatsa**
D.E.O. : **Rajni Devi**
Skilled : **Rajat Paul**
Editor : **Abhilasha Sharma**